

## نفس القلب ونفس الورد

نفس القلب ونفس الورد  
نفس الحرف ونفس الكلمة  
نفس الفكرة ونفس المعنى  
كنت انا اللى فى قلبك فاكرة  
طلعت فى قلبك مجرد نسخه  
كلمة منك كانت الاسمى  
حبة حب كانوا القسمة  
قسمت قلبى وظلمت القسمة  
حتة ظلمة وحتة عتمة  
خريف قلبى ورقه غطى  
بكى ربيع قلبى بحرقة

وعين نزلت ما نفعت قطرة  
وخطوة ليك انكسرت كسرة  
وايد للايد التانيه عبرة  
وعيون سهرت تشوفك بكرة  
ومخده بدالك فى حضنى ضمة  
فوقتنى من غيبوتى بضربة  
كسرت قلبى الضربة القاضيه  
بس رجعت لعينى النظرة  
عينى شافت يومى وبكرة  
شافت الضرر وشافت الدرّة  
شافت هزيمة وشافت نصرة  
شافت فح وشافت حفرة  
شافت صح وشافت غلطة  
شافت رقمك قفلت رنة  
رنة قلبك كانت نعمة

يااللى صورتك كانت قمره  
يا اللى ضحكك كان فرحة  
يااللى عيونك كانت نجمة  
وقع على بياض قلبى بقعة  
نظفت ونستنى السكره  
لميت كل مشاعرى فى شنطة  
وسافرت وقررت الهجرة  
الطفل بعد الغلطة نكرة  
الملكة لو حفيت جارية  
الحمل بعد دبحة فروة  
المية على الارض مطرة  
غسلت قلبى ورحت نشرة  
على حبل الوجع والقهرة  
ورجعت تانى بعد الذكري  
وبقى لكل القلوب عبرة

رجوعى عن حبك قرار

قرار مش مجرد فكرة